

ԱՐԵՒ

Գրական-պատմական պատկերագարի յաւելում

«Արև»-ի յաւելումը թերթի հետ միասին ամեն տեղ արժէ 5 կոպէկ:



Մեր հերոսները

Այս խմբանկարի մէջ գտնուում են մեր ազատագրական շարժման սիրելի զէմքերը՝ Կենտրոնում՝ խոհուն ԱՐՄԷՆ ԳԱՐՕՆ, որ Օսմանեան քանկի հերոսն է, որ մեծ դեր խաղաց ինքնապաշտպանութեան ժամանակ, որ յետոյ հղաւ Օսմանեան պարլամէնտի անդամ և որ այժմ հայ կամաւորական երկրորդ գնդի հրամանատարն է Դրօի փոխարէն:

Աջ կողմը, ծայրում, անձնուէր ՄԱՐՏԻՐՈՍՆ է, որ պատանեկան ոգեւորութեամբ մտաւ գործի մէջ և որ մեռաւ Պարսկաստանի ազատութեան համար: Այս հրաշալի հրիտասարդ Դրօի ամենամօտ ընկերն է, որոնց նկարը արդէն տպել ենք «Արև»-ի յաւելումում և որոնց մասին մի քանի տող ենք նուիրել:

Մարտիրոսի կողքին՝ ՔԻԻՐԴ ԽԷԶՕՆ է, որ մեր շարժման համեստ զինուորսներից է և որ սպանուել է Բազում: Արմէն Դարօից զէպի ձախ, թեր

վիճակի մէջ, ժողովրդական նշանաւոր հերոս ՍԵՒ ՔԱՐԵՑԻ ՍԱՔՕՆ, որ մեռաւ Երևանում 1908 թուին և որի մասին թէ «Արև»-ում և թէ յաւելումում խօսել ենք վերջերս: Նրանից զէպի ձախ, ծայրում, յայտնի ԽԷԶՕՆ, որ փոթորկալից անցեալ ունի, որ հղել է Եփրեմի գործակիցը Պարսկաստանում և որ այժմ Արմէն Դարօի հետ միասին վարում է հայ կամաւորների երկրորդ գունդը: Նրա ու Արմէն Դարօի միջև նստած է ԴՐՕՆ, նոյն գնդի խիղախ հրամանատարը:

ԱՆԿԱՄՔ «ԿԱՄԱՐՈՐԻՆ»

«Или со щитомъ, или на щитѣ»

Մի քանի տարի առաջ նրանք գլխավորապես բաժանուցիներն—Յասմիկը և խենթ սիրահարն այն ամենի, ինչ նրանք չէին ամենին, մինչ իսկ իր նմանին։ Տարօրինակ էր ու հետաքրքրական Բորիսը, վայելչակամ ու թիկնեղ, սև, կրակոտ աչքերով, աչքերը որոնց փայլը մթութեան մէջ անգամ նկատելի է—աւելի ճիշտ՝ զգալի։ Սև հեր գանգուրները քամուն տուած, յօդիքը միշտ ուսերին, որի ծածանումները յաճախակի երևան էին հանում նրա ուսանողական համեստ համազգեստը, նա ժամերով թափառում էր սարերի անտառների մէջ կորած ամառանոցներից մէկի դաշտերն ու ձորերը, միշտ մենակ ու լուս, միշտ իր հետ... մինչև ծանօթացան նա ու Յասմիկը։ Տարօրինակ էր ու հետաքրքրական նաև այդ ծանօթութիւնը, պատահական ամառանոցային մի ծանօթութիւն, որ սակայն հենց առաջին օրից զրաւեց մօտիկների ուշադրութիւնը։ Լուսկեաց այդ «կնատեացը», ինչպէս յայտնի էր նա ծանօթ-ընկերների շրջանում, իր սիրած հեռաձայնով դաշտերն ու իրենց կանաչ գանգուրները բմահաճօրէն թափահարող անտառները փոխեց այն ջահիլ, տրամադրութեան թեթևութեամբ ապրող աղջկանով...

**

-- Ա՛յ իմ երազ, իմ ցնորք աղջիկ, թող քունդ օրօրեմ սաղարթների շրջանի հետ ու պահապան հրեշտակի նման հակեմ քեզ մինչև լոյս, հակեմ քո քունը մինչև լոյս, իմ թագուհի... մրմնջում էին «կնատեաց»-ի շուրթերը երեկոյեան իրենց սովորական զրօսանքների ժամանակ, երբ երբեմնապէս դադար կառնէին կանաչների միջի նստարանների, կամ ուղղակի կանաչների վրայ։

Ժամերով թափառում էին միասին յաճախ լուսկեան ուղեկցութեամբ. յաճախ էլ Բորիսը կը պատմէր իր սովորական թախծոտ բողբոջի շնչով մեռնող ծաղկի, ընկնող աստղի, թառամող կանաչի վիշտը... Ամեն արեւմտի Յասմիկը ծաղկեփունջ կը ստանար ու մինչ արեւմուտ ու մինչ ուշ գիշեր կը լսէր իր

այդ պատահական ծանօթի զրոյցը. ու կը զրուցէր նա ծաղիկների միասին սիրուց, աստղերի նազ թարթումներից, գարնան փրկելու թովչութիւնից ու այդ ամենի հետ այնպէս բմահաճօրէն զուգորդուող իր երազից, իր անձկութիւնից...

Թէ ի՞նչ էր իր նոր ծանօթը, Յասմիկը շատ քիչ էր հետաքրքրուում. ամառանոցային թեթև ծանօթութիւն էր թւում, որ կը վերջանայ հենց ամառանոցում ապրելիք օրերի հետ։ Գիտէր միայն, որ եկել է հեռուից, շատ հեռուից Արազի ափերից, որ շատ է սիրում Արազը ու իրեն Արազի որդի էր անուանում, գիտէր նաև, որ երկար թափառել է երկրից երկիր, երկար ապրել բանտերում ու նորից թափառել ու որ վերջապէս դատի տակ է իրեն տիրող քաղաքական պայմանների գէմ ծառացող մի ըմբոստ։ Այս բոլորը Յասմիկը լսել էր պատահական խօսակցութիւններից. աւելի գիտենալ չէր էլ ցանկանում. չէ՞ որ ամառանոցային մի թեթև ծանօթութիւն էր թւում միայն։

**

Օրերն անցնում էին աննկատելի։ Արեւմտից մինչ արեւմուտ ու մինչ ուշ գիշեր զրուցում էր Բորիսը այն ամենի մասին, ինչի կարող է տրամադրել միայն ամառուայ երեկոյն հարաւի պարզ երկնակամարի տակ ու աննկատելի անցնում էր իր սիրուն, իր հոգու կարօտին...

— Իմ անձկալիս, թող որ մինչ նոր արեւմտ ծծեմ քո հմայքներից բոյրը, զգամ ինձ մօտիկ թովչութիւնդ կանաչի. թող համբուրեմ շուրթերդ դողդոջ... իմ ոսկի բացառութիւն։ Ու նրանք գլխավորեցին։ Աղջիկը տարուած էր մի ուրիշով։ Առանց հրաժեշտի ու մինչ իսկ առանց նոր հանդիպումի յոյսի աղջիկը հեռացաւ ամառանոցից։ Բորիսն էլ վշտացած թողեց այն երկիրը, ուր իր յաւէտ երեքուն տրամադրութեան թեթևութեամբ Յասմիկն էր ապրում. տարուած մի ուրիշով ու հեռացաւ սրտով և ազգով օտարների մօտ մոռացուելու և մոռանալու ու խելակորոյս նետուէց նոր պայթող եղբայրասպան կռուի մէջ, արիւնի ու արցունքի ձայնով պահ մի լոցնիլ տալու սրտի տրտունջները, մինչև մի

նոր փոփոխիկ նախազուշտուող մթին ամպերը կուտակուեցին իր հայրենիքի ջինջ երկնակամարի վրայ... Թռչնից թև առած, հովից էլ թեթև ուղացաւ դէպի նոր հեռուները բոսոր հեռանկարներով։

**

Մի քանի գարնան Յասմիկը նորից այցի էր գնացել այն ամառանոցը, ուր իր դժգոյն ամառներից մէկի օրերը այնպէս վարպետօրէն գունաւորել էր Արազի տղան—բայց նրան էլ չէր պատահում։ Ու աշնան օրերից մէկին անսպասելի հանդիպեցին աղմուտ քաղաքի ժխորի մէջ—երկու գժառուած ջահիլները բմահաճ սրտերով—աղջիկը՝ իր տրամադրութեան թեթևութիւններից դէպի հոգու խորութիւնն ընկղմուող ու նա՛ կռուի ու արիւնի գոյններով եթերային երազները իրականութեան գիրկը նետող տղան՝ նոր փառքի տենչը սրտին։ Հանդիպեցին իրեն հին ծանօթներ, ինչեւ չէին ապրել այդ երկու ջահիլ սրտերը մինչ այդ... Գտնուութիւն և վիշտ և մօտիկներից և հեռուներից և ծանօթներից և անծանօթներից։ Մոռացուել էին շատ երբեմնի անզուգական անուններ ու մնացել էին միմեկի, մէկը՝ փառք լիւրդ իր բոսոր հեռանկարներով, միւսը՝ իր հոգու խորութեանն ապուխտելու սփոփումով...

Փորձութիւններից պղտոր հայեացքները անխօս հասկացան իրար ու լոցին, լոցին անդարձ անցած օրերի մասին։

— «О мила дѣвоица», խօսեց նա այն օտարների լեզուով, որոնց մօտից գալիս էր. «кажи, кажи мѣсто» ու սկսեցին հինը մոռացման տուած զրուցել գալիք օրերից։

Ամառանոցի երկինքաւոր ծաղիկներով զարդարուն հեռաձայնով դաշտերը ու կանաչածածկ անտառները փոխաբերեց քաղաքի անշուք սենեակին զրուցում էին երկար և օրուայ նորութիւններից, և անցեալ օրերի տրիւնից, և գալիք օրերի արիւնից և տառապածների և տառապողների անձկութիւնից և այդ ամենի հետ այնպէս բմահաճօրէն զուգորդուող իրանց հոգու անձկութիւնից... Ու բնազդօրէն զգում էր Յասմիկը, որ դեռ թարմ վէրքերից չբուժուածին հարկաւոր չէ նոր վէրք

էլ հասցնել ու կանացի քնքշութեամբ գուրգուրում էր նրա սիրտը, այն սիրտը, որը թէկուզ և դարեր շարունակ զարնուի պողպատին ու ժայռերին ու դարեր շարունակ կոփուի չար ու նենգ կոուի մէջ, տասնապատիկ աւելի կը կարօտի կնոջ գգուանքին ու շոյող հայեացքներին:

— Օ՛հորից նոր խաշկութիւն, նոր Գողգոթայ, իմ անուշ աղջիկ... Ընչպէս անցնիմ քո մօտով, առանց գաղար տալու խոնջացած մարմնիս ու սրտիս, իմ սրտիս կարօտ, իմ հոգուս հանգրուան...

— Իմ աղօթքներով Գողգոթայի ճամբան անգամ կը լինի դիւրին:

— Օ՛ք անունը, քո մի յուշը միայն բաւական է, որ տանջանքի ճամբան անգամ լինի դիւրին...

— Ես կաղօթեմ, որ ճամբէքիդ ամեն ինչ փոխուի հաճոյքների ու բոյրի թող մինչև իսկ կոխը հաճոյք լինի քեզ համար:

— Հոգիս կապաւինեմ աղօթքներիդ, սիրտս՝ անուանդ ու թուում է, թուում է, թէ աշխարհներ կարող կը լինեն առնել, աշխարհներ նուաճել քո ստքերի տակ զննելու համար, քեզ նուիրարեցելու համար իբրև երախտիք քո մի շշուշի, քո մի հայեացքի... Օ՛, ինչեր չեմ անի ես հիմա արիւնի ծովի մէջ... Բաւական է միայն քո մի յուշ ժպիտը, որ սուրս աւելի հառու լինի, տենչերս բոսոր, արիւնից էլ բոսոր...

— Արիւնի մէջ արիւնից էլ բոսոր տենչեր պէտք է ունենալ, արիւնոտ աչքեր, ու կը վերադառնաս դու յաղթական կամարների տակից յաղթող ու պայծառ, պայծառ հայեացքով. արիւնը, ուրիշների համար թափուող արիւնը թող բիւրեղացնի կեանքի գառնութիւններից մօայլուած հայեացքը...

— Ու եթէ գիտենամ, որ այս բոլոր վէրքերից ու տանջանքներից յետոյ հարազատի հոգին կը դիմաւորի անկաշառ ժպիտով, որ անձկալիւս գիրկը կը լինի հանգրուան, որ երկարատե նահատակութիւններից յետոյ նրա խնամող ձեռքը կը կապի վէրքերս... Ա՛ եթէ համոզուած լինեմ, մահն անգամ պայծառ ժպիտով կը դիմաւորեմ...

— Մի խօսի՛ր մահուանից. դու կը վերադառնաս ու թէկուզ վէրքի, ու՛ր, բայց վէրքերից բուժուած սրտով ու

հոգով: Մի խօսի՛ր մահուանից ու ժրպտայ, ժպտայ մահուան դէմ:

— Մահուան շնչի դէմ, անթաղ մեռածների ու անլուց մեռնողների մօտ նոր լեզու կը կոփեմ քեզ հետ խօսելու համար, իմ անվահեր աղջիկ...

Օրերն անցնում էին տենդային դրութեան մէջ: Ամեն օր անկախ ժամ ու ժամանակից՝ կեցցէներով մահուան դէմ էին ուղարկում նորանոր ջանքերի, ոգևորութեան մէջ մոռացած և՛ տուն, և՛ հարազատ, և՛ գալիք. Յասմիկի ցանկութեամբ որոշուած էր և Բօրիսի մեկնելու օրը: Ծագիկներով ու ծիծաղով, աղմուկով ու աղաղակով էր ցանկանում ճանապարհել Բօրիսին: Պէտք էր լոցնել և մոռացնել տալ անջաման ըսպէի ծանրութիւնը: «Или со щитомъ, или на щитѣ», փայլում էին սրի վրայ սակի խաշի տակ փորագրուած բառերը:

Հնչեց վերջին զանգը. կեցցէների ու ուռանների հետ լսուեցին և զսպուած հեծկտանքներ... «Դարձիւ յաղթութեամբ», լսուեց մի ըստ երևոյթին հաստատուն ձայն. — Բօրիսը դառը ժպտաց միայն:

Դարձեալ մի վայրկեան և գնացքը բաժանեց նրանցից անծայր կարօտով կեանքին կառչող ու մահուան սարսափով մահուան դիմողին գուցէ առյաւէտ... «Դարձիւ յաղթութեամբ» դեռ երկար ժամանակ հնչում էին աղջկայ բառերը Բօրիսի ականջին. «Или со щитомъ, или на щитѣ» փայլում էին սրի վրայ սակի խաշի տակ փորագրուած բառերը...

... Ո՞վ է պատասխանատուն արիւնի ծովի մէջ...

Լեյլի

ՆԻԿՈՒ ՄԱՄԵԱՆ

Իր հայրենի Դիլիջանում, կանանչ ստաի դալար պսակներով, բոլոր մայրերի արցունքով օծուած, բոլոր հերոսների հիացքն ու «երանի»-ն խլած՝ գերեզման լջաւ քաջամարտիկ Նիկոլը:

Մահեր կան, սրունք մի-մի անմահութիւն են: Այդպէս էր Նիկոլի մահը: Հերոսներ կան, որոնք մահից յետոյ են միայն երևում: Այդպէս էր Նիկոլը:

տոյ են միայն երևում: Այդպէս էր Նիկոլը:

Կրթութիւնը վերջացնելով՝ նա մըտնում է զինուորական ծառայութեան, ստանալով սպայական աստիճան... Մինչ այս պատերազմը՝ մասնակցել է երկու գործողութեան թշնամիների դէմ, արժանանալով շքանշանի և գովասանքի:

Երբ սկսում են հայ-թիւրքական եղբայրասպան աւերածները, Նիկոլը, որպէս սպայ, իր սրբազան պարտքն է կատարում Ղազարի ինքնապաշտպանութեան գործում:

Երբ սկսուեց ռուս-տաճկական պատերազմը, նա մեծ փափագ ունէր թողնել կապիտանական աստիճանը և գլուխ անցնել հայ խմբերից մէկին:

Սակայն այդ չէ իրագործուում: Էն-վէրեան բանակը պատուում է Օլթիի գիծը և ներս խուժում:

Պէտք է առժամ հեղեղի տաջն առնել մինչև գործի հասնելը:

Եւ ուղարկւում է Նիկոլն իր ջոկատով: Զինուորների վկայութեամբ՝ նա հրաշքներ էր գործում, միշտ ամենավտանգաւոր տեղը, սուրը մերկացրած, նոյնիսկ մի վէրք ստացած: Եւ ընկնում է շրթանիկ հարուածից այն պահուն, երբ կատարել էր իր պարտքը: Պատերազմի դաշտից իր ցանկութեան համաձայն աճիւնը բերւում է Դիլիջան:

Ուստի էր եկել մեր շրջանի բնակչութիւնը նրա թաւրմ աճիւնին՝ առանց ազգի ու սեռի խտրութեան:

Երեք դամբանական խօսեցին, սրով խուռն. հարիւրաւոր բազմութեան առջև վերակենդանացան մեր անցեալ հերոսներն էլ:

Յաւերժ յիշատակ...

Վ.Է.Գ

Օ՛Ն, ԶԷՆՔԵՐԴ ԵՌ...

Մեռան երկնքում աստղուէքը գոհար. Տնքում է, տնքում մթնումը անձեր

Խելագար մի ծիր,

Այնպէս վշտահար:

Օ՛, իմ հազարներ, իմ ծաղկունք անսէր,

Անցող, անթաղար:

Թախծոտ մի մրմունջ ձորակում

սառած

Ո՞վ է մորմորում հեռուից սրտմաշուք,
Աղօթք թէ սև-սուգ.
Ո՞ղջ է թէ մեռած.
Լռիր, իմ փոքրիկ, ոճիր է շշուկ,—
Անցնում են, կամաց...
Հոծ ստուերներում համր կարաւան,
Մերկ ու ցաւատանջ անցնում է անվերջ,
Բուք ու ձիւնի մէջ
Լճու, շարան-շարան.
Թարմ փոսը ծածկից գանգիւրիմի շիղջ,—
Ճամբորդի կայան:
Ո՞ւյ, ո՞ւյ... հեկեկում մահագուժ հողմը.
Մի սև ուրուական մանգաղը ձեռքին,
Հնձում է կրկին
Օ՛, ամեն կողմը.
Կարմիր է ցանել ձերմակ վերելքին,
Մարտի վէս քուրմը:
Անվար դաշտերում՝ ժանգոտած գու-
թան,
Շէն խրճիներում ծուխը թանձրածալ,
Էն տեղից անցմը
Իմ հերոս անցորդ, դէպի գողգոթան,
Ասան, չաւսան
Մարդակեր Յուդան...
Ահա, երգում են ուժգին ու խռպոտ,
Չառն նայուածքներ կարմիր խաւարում,
Վեր, վեր են նայում.
Իմ կտրիճ անցորդ
Տես, մի շշուկ կայ բոսոր-կամարում,
Ահեղ ու գթոտ:
Սուրաց ու անցաւ մրրիկը խելառ,
Խլեց ու տարաւ վարդը մայիսի
Եւ քողը հարսի,
Ժպիտները վառ...
Սրբիւր աչքերդ, ժամը չէ լացի.—
Օ՛ն, զէնքերդ առ...
Ազաճ-Վեսնցի

ՀԱՐԵՒԱՆՆԵՐԸ

(Կամաւորի յուշատետրից)

I

Երեք օր շարունակ գիշեր ու ցիւրեկ
սարի գլխին, հիւսիսային արջերի
նման բուք ու ձիւնի մէջ՝ որս բռնելով
էինք զբաղուած: Հինգ հարիւր հոգի
էինք և կուում էինք հազարների դէմ:
Նրանք լաւ էին իմանում մեր թուի
փոքրութիւնը, բայց և այնպէս չէին
համարձակուում իրենց ամուր գիրքե-
րից դուրս գալ՝ մեզ վրայ յարձակուե-
լու, որովհետև նրանք փորձով գիտէին
«գեալուր» հայի արձակած գնդակի

անսխալականութիւնը:

Երրորդ օրուայ արշալոյսին՝ մեր
փամփուշտակալները դադարկուել սկսե-
ցին: Ռազմամթերքը յետ էր մնացել,
իսկ առանց փամփուշտի կուուին ան-
հնարին էր. պէտք էր անխուսափելի
մահուան միայն սպասել:

— Պահեցէք ամենավերջին փամ-
փուշտը ձեզ համար, մեզ ամօթ է կեն-
դանի թշնամու ձեռքն ընկնել, պա-
տուիրել էր հրամանատար Ա.-ը:

Մեր բախտից մեզ չվիճակուեց կա-
տարել հրամանատարի պատուէրը:
Յանկարծ մառախուղը իջաւ, կապարի
պէս լցրեց ամբողջ տարածութիւնը, իր
գորշ պտտանքին մէջ պարուրելով սար
ու ձոր և թշնամու դիրքերը: Այլևս
չէր լսուում գնդակների բազմահնչիւն
սուլոցը և ոչ էլ թնդանօթների վայ-
րագ որոտը. ասես մի հսկայ և ուժեղ
ձեռք խեղդեց ամեն ձայն, ամեն շշուկ:

— Դէպի յետ,— լսուեց հարիւրա-
պետի ձայնը:

Զգուշութեամբ ու շունչ բռնած՝ ի-
ջանք ըլլանք զէպի ձորն ու բռն-
նեցինք մօտակայ թրքարնակ Խ... զիւ-
ղի ճանապարհը, այնտեղ հանգստա-
նալու համար:

Գիւղը հասնելիս՝ մեր առաջին գործը
եղաւ ճշտել մեր ընկերների թիւը:

Չորս սպանուածներ և եօթը թեթեւ
վիրաւորներ ունէինք երեք օրուայ
անհաւասար կռուի ամբողջ ընթաց-
քում, սակայն զրանցից զատ կորցրել
էինք երրորդ հարիւրակի հինգերորդ
տասնապետ Կարօին. վերջին օրը, ար-
շալոյսին ոչ մի ընկեր նրան չէր տե-
սել: Արդեօք գիրի էր ընկել, թէ՞ նրա
դիակը մնաց սարում, և ուր... մտա-
ծում էինք բոլորս:

II

Կարօն ուղոււմ էր՝ ճակատիցը խփել
այն ձերմակ ձիւնորին, որ մի քանի
հարիւր քայլ հեռուից կրակ էր թա-
փում իր վրայ: Նա այնքան էր տար-
ուել այդ մտադրութիւնից, որ ինքն էլ
չէր իմացել, թէ որքան առաջ էր ան-
ցել իր ընկերներից, բոլորովին մե-
նակ և աննկատելի: Միայն այն ժա-
մանակ զգաց այդ բանը, երբ մառա-
խուղը ծածկեց իր աչքերից ամեն ինչ
և ձերմակ ձիւնորին. դադարեց հրա-
ցանների որոտը: Չօքած մնաց մի քա-
րի ներքև՝ մի քանի բոպէ մտածկոտ

ու սպասողական դրութեան մէջ: Վե-
րադառնալ,— դա անխոհմութիւն էր,
չէ՞ որ ոչինչ չէր տեսնում և ճանա-
պարհներն իրան անծանօթ էին: Չէ,
պէտք էր սպասել. գուցէ իր ընկերնե-
րը իմանում էին, թէ ուր էր ինքը, և
գալու էին իրան տանելու... Յանկարծ
իր առջևը կերպանաւորուեց ձերմակ
ձիւնորը, փայլուն ու արիւնալի աչ-
քերով: Հրացանը նրան ուղղեց ճիշտ
այն պահուն, երբ ձիւնորն էլ յան-
կարճակի եկած՝ քաշում էր իր հրա-
ցանի բլթակը:

— Բռւմ, բռւմ, բռւմ... ծյ, ծյ...

— Բռւմ, բռւմ, ան, ան...

Երկուսի ձեռքիցն էլ զէնքերը վայր
ընկան, թուրք զինուորը և հայ կա-
մաւորը միմեանց գնդակից վիրաւոր-
ուած՝ թաւալեցին ձիւնի մէջ:

Նրանք ընկած տեղերից աշխատե-
ցին վեր կենալ, բայց ի զուր, նորից
ընկան գետին ուժառպառ, միմեանց
մօտ:

Կարօն աչքերը փակեց. նա ընկաւ երևա-
կայութեան աշխարհը, ինչ որ աղօտ ու
անկապ պատկերներ շարժում էին նը-
րա առջևից, նա յիշել սկսեց ամեն մի
անցքը իր բոլոր մանրամասնութեամբ...
Յետոյ պատկերները գունաւորուեցին,
պայծառացան և նա որոշակի տեսնում
էր իր ձերմակ հօրը, որ հրավառ փու-
ռի առջև կանգնած՝ հաց էր թխում
յաճախորդների համար. նրա բազմա-
ակօս ճակատից ինչպէս էր հոսում
քրտինքը... Ահա իրանց դրան առջև
հօր արնաշաղկապ դիակը, ինչպիսի
հայեացքով էր դիտում իր որդուն...
Իրենց հարեան Ռաշիդը արնաներկ
դաշոյնը սրբեց ու մի կուշտ քրքջա-
լով՝ հայհոյեց ու հեռացաւ... Յետոյ՝
պառաւած մայրը արտասուաթոր աչքե-
րով ճանապարհ դրեց Կարօին զէպի
հեռու աշխարհ՝ բախտ որոնելու.—
Բալան ջան, շուտ վերադարձիր, որ քեզ
տեսնեմ և հանգիստ սրտով գիրեզման
իջնեմ,— ասել էր իրան...

Կրծքի թմրած վէրքը ցրտի ազդե-
ցութեան ներքոյ սկսեց կսկծալ. Կարօն
ցաւից աչքերը բացեց, նայեց երկնքին,
յետոյ շուրջը և իր նայուածքը հանդի-
պեց թուրքի ապշահար նայուածքին,
որ իր պէս կուշ եկած մրմնջում էր.

— Օ՛ֆ, ո՞ւյ, հէյ վախ, ը՛...

— Գոնէ տղամարդու պէս մեռիր է,

տնաքանդ, եթէ չէիր կարող դիմանալ ցաւին, թող կնոջդ ուղարկէիր քո փոխարէն.— փափասաց Կարօն:

— Օ՜ք ջանք, մեռնողի վրայ ծածակելը լաւ չէ,— պատասխանեց թուրքը:

— Մենք հայերս մեռնելու ժամանակն էլ կը ծածակենք:

Նրանք լռեցին, մէկը միւսին էր նայում, ամեն մէկն աշխատում էր կարգաւ դիմացինի դէմքը...

— Կարօ...

— Ահմէտ... Ռաշիդի որդին, ինչ զուգահեռութիւն, իմ հարեանս, հօրս սպանողի որդին, այսաւեղ, կողք-կողքի...

— Ճակատագիր, Կարօ, ճակատագիր... այժմ, որ գտնուում ենք այստեղ, երկուքս էլ առանձին, երկուքս էլ վիրաւոր... Մոռացիր Կարօ, մոռացիր անցեալը... Անիծիր հօրս, անիծիր... պատճառ եղողին... օ՜ք, օ՜ք, հէյ վախ...

Երկու հին հարեաններ, որ ապրել էին տարիներ շարունակ, քով-քովի, միևնոյն փողոցում, նոյն քաղաքի մէջ, երբէք այնքան անկեղծ չէին մօտեցել միմեանց, երբէք իրենց սիրտը մէկ-մէկի լայն բաց չէին արել, որքան այս րոպէին... Որքան բաներ ունէին ասելու իրար, գերեզմանի դրանը... բայց ի դուր... ինչ օգուտ...

— Մոռանալ, միթէ՞ կարելի է. ես կը մոռանամ, լաւ, իսկ ողջ մնացողները՝ իմ ընկերները, իմ ազգը, միթէ՞ զուք աշխատեցիք մեզ մոռացնել տալ այն բոլորը, ինչ որ արել են ձեր հայրերը դարեր շարունակ ինձ և հազարաւոր ինձպէսներին, — ասաց Կարօն մի րոպէի լուրթիւնից յետոյ:

— Կարօ, ռեմն է յանցանքը, իմը, ժողովուրդին, չէ, չէ, մենք մեղք չունենք, մեզ այդպէս են սովորացրել, մեզ այնպէս են ասել... Այ, սրանից մի քանի ամիս առաջ հանգիստ պարտաւոր էի իմ գործով. հկան, ինձ ասացին, որ պէտք է գնալ պատերազմ, կռուել թշնամու դէմ... ինչ թշնամու դէմ, ռեմ թշնամու դէմ — չէի իմանում և այժմս էլ չեմ գիտեր... մեզ այդպէս ասացին... անի. սոյ, վէրքս...

— Խեղճ մարդ, անգիտակից զոհ... ասաց ինքն իրան Կարօն, — իսկ ես, ինձ ոչ ոք չստիպեց, ես ինքս կամքովս եկայ, — հայրենիքիս համար...

Նրա շունչը կտրուեց, էլ չը կարողացաւ շարունակել. աչքերը կըրկին փակեց ու սկսաւ խոր-խոր շնչել:

Հայրենիքիս շուգ ու շիւան ինձ դուրս կանչեց փակ կեանքից. Տանջուած հայրենիքիս սէրը Չվախեցուց վտանգից...

Հեռուից լսուող իր սիրած երգի ու ժգին հնչիւններն սթափեցրին նրան. մի մեղմ ժպիտ անցաւ նրա դժգոյն երեսի վրայից, գլուխը բարձրացրեց ու հագիւ կարողացաւ ճանաչել իր զինուոր ընկերներին, որ արդէն մօտեցել էին:

— Կարօ՛ ջան, քեզ մատաղ, զօջաղ կաց.— գրկելով նրան ասաց Արտաշէսը. — Ընկեր, ձին մօտիկ բեր, վրայ դնենք, — դարձաւ կանգնած ընկերին, որ ձիուն յենած՝ տրտում ու մտամալոր թուրքին էր նայում:

— Ձէ, չէ, ի դժուր, ես կը մեռնեմ այստեղ, անտրտուն չեմ և ուրախ ձեր մէջ... տարէք նրան... էն միւսին... չսպաննէք... բռնկին ասէք թող ծունկը կտրի... իմ գնդակը փշրեց... չը սպաննէք, հաշմանդամ, միշտ առանց ոտքի... իմ հարեանը... իսկ... այժմ հրգ... երգեցէք:

Հինգն էլ մօտեցան, անխօս համբուրեցին իրենց տասնապետին. նրանց աչքերում արտասուք չփայլեց. սըրտերում, կրծքերի ներքե, վրէժխնդրութեան հրաբուխն էր բորբոքում, — անեղ ու յաւիտենական...

Ապա հանգիստ հող կը մտնեմ, Յոյսս դուք էք, ընկերներ. Շարունակէք ձեր սուրբ գործեր, Դաշնակցական վեհ քաջիր...

Տխուր ու բամբ երգի արձագանգները տարածուեցին տարածութեան մէջ... Անցան, անցան արիւնսաներկ լեռներով դէպի հեռուներ...

Ձիւնապատ նեղ արահետներով իջնում էին բլուրից հինգ ձիաւորներ: Սև ձիու վրայ վիրաւոր թուրքը՝ մըտածկոտ. և ճիւղակին վրայ Կարօն — աչքերը փակ ու ժպտուն. — երկու հարեանները...

Չմբան տոգոյն արևի վերջին ճառագայթներն անհետացան վէս լեռների յետևում... գալիք արշալոյսին առելի փայլուն ծագելու համար...

Ա. Վ.

ՎԱՐԴԱՆԱՆՑ ՏՕՆԸ

(Բանախօսութիւն, արտասանուած այս տարի Բագուի Հայոց դպրոցում Վարդանանց հանդէսի ժամանակ)

Մեր պատմութեան մէջ Վարդանանց տօնը մի առանձին հմայք ունի: Այս տեսակէտից մեր կեանքի և ոչ մի դէպք չի կարող համեմատուել նրա հետ:

Սրանից 22 դար առաջ հայերը Սելեւկեանների պարտութիւնից օգտուելով՝ կարողացան իրենց սեփական ջանքերով թօթափել օտարի լուծը և հայի քաղաքական անկախութեան հիմքը դնել, առաջին անգամ հայկական անկախ իշխանութիւն հիմնել:

Պարզ է, թէ ամեն մի ազգի կեանքում ինչպիսի խոշոր, ինչպիսի փառաւոր գործ է սեփական իշխանութեան առաջին հիմնադրութիւնը, քաղաքական ազատ, ինքնուրոյն կեանքի սկզբնաւորութիւնը:

Սակայն մենք ոչ միայն չենք տօնում մեր պատմութեան այդ առաջին մեծ գործը, այլ նոյնիսկ չգիտենք դրա մասին, և կարծէք թէ հետաքրքրութիւն էլ չի ներկայացնում:

Հայոց թագաւորութիւնը հագիւ մի դարու կեանք ունէր, երբ հզօր Պարսկաստանը՝ Արեւելքի այդ միակ տէրը ստիպուեց գլուխ խոնարհել նրա առաջ: Տիգրան Մեծը պարսիկներից խից առաջնութեան պատիւը և արքայից արքաներին երկրորդական դիրքի իջեցրեց:

Միւս կողմից՝ հայկական թագաւորութիւնը իր ոյժն զգալ տուեց նաև աշխարհի միւս մասի հզօր տիրոջ — Հռոմէական մեծ պետութեան: Հռոմը հաշուի նստաւ Հայաստանի հետ և յաճախ ստիպուեց զգուշաւոր քաղաքականութեան հետեւել, չընդհարուել հետու արեւելքում կազմուած այդ մեծ ոյժի հետ: Այս հանգամանքների շնորհիւ Հայաստանի սահմանները չտեսնուած չափերով ընդարձակուեցին — հիւսիսային կողմից հասան Կուր գետի հովիտները, հարաւից մինչև Պարսկաստանի արևմուտքից մինչև Կապաթովկիայի արևմտեան սահմանները: Ձիւնական ոյժի, աշխարհակալութեան

թէ և կտրճատե, բայց մի փառաւոր շրջան ստեղծուեց, որի նմանը չունեցաւ հայոց թագաւորութիւնն իր գոյութեան ամբողջ ընթացքում:

Սակայն այդ էլ հայութեան համար ուկերութեան աղբ'ւր չդարձաւ. մենք չտօնեցինք և չհնք էլ տօնում տիրապետութեան այդ փայլը:

Արշակունեաց թագաւորութեան անկումից յետոյ մինչև Բագրատունեաց թագաւորութեան հիմնադրութիւնը՝ հայ կեանքի պատմութիւնը երկու թշնամի տարրերի—պարսիկների և արաբների աւերածութեանց մի սոսկալի տեսարան է ներկայացնում: Բագրատունեաց թագաւորութիւնը ի թէ ոչ ինչ էլ արած չլինէր, բաւական էր, որ հայի ֆիզիքական գոյութիւնը պահպանեց: Իրա համար միայն յարգանքի ու տօնախմբութեան արժանի պիտի լինէր:

Սակայն ոչ Բագրատունեաց և ոչ էլ Ռուբինեաց թագաւորութիւնների սկզբնաւորութիւնները ոգևորիչ հանգէսների նիւթ չդարձան ու նրանցով չոգևորուցինք:

Մի խօսքով՝ մեր բազմադարեան պատմութեան ամբողջ ընթացքում,—ուր շատ են փառաւոր լուսններ թէ մարտական յաջողութիւնների, թէ քաղաքական յաղթանակների, թէ կուլտուրական նուաճումների և թէ մանաւանդ մեծ մարտիրոսագրութիւնների—և ոչ մի գործ չի կարողացել այնպիսի բուն թափով ցնցել հայութիւնը, բարոյական այնպիսի անքակտելի կապով միացնել ամբողջ ազգը, ոգևորութեան ամենամեծ աղբիւրը, որպէսին Վարդանանց պատերազմն է՝ իր հետ կապուած բոլոր անցուդարձերով:

Այդ պատերազմը շատ շուտով դարձաւ հայութեան ամենամեծ սրբութիւններից մէկը: Մեր ամբողջ գրականութիւնը—կրօնական բանաստեղծութիւնը, պատմագրութիւնը, արդի գրաբան ու աշխարհիկ բանաստեղծութիւնը ոգևորուեց, ներշնչուեց սրանով:

Արդ՝ ինչո՞ւն է այդ պատերազմի մեծ արժէքը, այն հմայքը, որով տասնեակ տարիներ ապրել է մեր ժողովուրդը. ինչո՞ւ հայը իր ամբողջ էութեամբ նրան է փարել, նրան է ընտ-

րել իր պատմական կեանքից միակ սրբութիւն սրբոց:

Նախ քան այս հարցին պատասխանելը՝ անհրաժեշտ է մի թուցիկ ակնարկով պարզել Ե. թղ զարու մի քանի պայմաններ:

Այդ ժամանակամիջոցում Պարսկաստանն այնքան ուժեղացել էր, որ իրաւամբ կարող էր պարծենալ, թէ աշխարհում իրան հաւասար ոչ մի ոյժ չկայ: Բիւզանդական կայսրութիւնը պառակտուած, կրօնական վէճերի ասպարէզ դարձած՝ արդէն մի քանի անգամ պարտութիւն էր կրել պարսիկներից: Պարսկաստանի հիւսիսից Հեփթաղների յարձակումներն արագատակութեան բնոյթ ունէին:

Ուրեմն աշխարհում ոչ մի ոյժ չկար, որ լուրջ հակառակորդ հանդիսանար Պարսկաստանին Ե-րդ զարու կիսում: Պարսկաստանի այս հզօրութիւնն ամբողջապէս զգացող կրօնամոլ Յազկերտ Ուայն հաստատ համոզմունքն էր կազմել, որ ոչ մի բան անկարելի չէ իր համար, կը հրամայէ՝ և ամեն ինչ կը կատարուի:

Եւ անա մանր ազգութիւններին ձուլելու հարցը այս անգամ ամենաուժեղ թափով հետապնդում է: Հալածանքի են ենթարկում ասորիներին՝ յոյն եկեղեցականների հետ կրօնական թղթակցութիւններ ունենալու համար, հրէաներին տանջում են հաւատի պատճառով, նրանց արգելում են շաբաթ սուրբ պահել: Բայց Յազկերտը իր բարկութիւնն ամենից աւելի հայերի գլխին է թափում, որովհետեւ պարսիկ քաղաքագէտների կարծիքով՝ հայ ազգը ամենից աւելի աչքի ընկնող, ամենից աւելի ազգեցիկն է հպատակ բոլոր ազգութիւնների մէջ, և ի թէ հայը մոռանայ իր ազգութիւնը, ձուլուի պարսիկների հետ, միւսները՝ ինչպէս վրացիները, աղսանները և ուրիշները,—հեշտութեամբ կը ձուլուին՝ հետեւելով հայերի օրինակին:

Ուրեմն Պարսկաստանում բոլոր օտար ազգերին ձուլելու համար՝ ամբողջ աշխարհը սարսափեցնող պարսիկը ամենակտրուկ կերպով պահանջում է հայերից ձեռք վերցնել հայութիւնից, մոռանալ կրօն, լեզու, նախնեաց աւանդութիւններ ու ձուլուել և կամ բռնի ուժի առաջ ոչնչանալ, ջնջուել...

Ինչպէս մեշտ կղի է ու մեր օրերում էլ կրկնում է, այսպիսի տագնապալի լուսնում հայութեան կարծիքը տարբերուել է: Մի մասը մտածել և մտածում է. «Մենք՝ ողորմիկի հայերս ի՞նչ ոյժ ունինք, որ կարողանանք դիմադրել աշխարհի հզօրներին. մի՞թէ մենք կարող ենք հակառակել պարսից ահաբի ուժին, որից Բիւզանդական մեծ պիտութիւնն անգամ սարսափում է և ենթարկում նրա հրամաններին: Ինքնասպանութիւն, խեղադրութիւն կը լինի ողորմիկի ուժերով հակառակել և մի ամբողջ ժողովրդի ֆիզիքական ոչնչացման պատճառ դառնալ»:

Սակայն միւս մասը բոլորովին այլ կերպ էր մտածում, դատում. սրա կարծիքով՝ խեղադրութիւն, ինքնասպանութիւն է, երբ փոքր ազգութիւնը սարսափելով բռնի, «կոպիտ ուժից» ենթարկւում է նրան և ինքն իր ձեռքով խաչ դնում իր գոյութեան վրայ՝ ընդ առաջ գնալով բանակալի ցանկութիւններին: Այսպիսի պարագաներում անխուսափելի է դառնում մանր ազգութեան մահը, անհնարին նրա ինքնուրոյն գոյութիւնը, այնինչ կոպիտ ուժի, բռնութեան դէմ եղած դիմադրութիւնը որոշ շանսեր պահպանում է ազգի ինքնուրոյնութիւնը փրկելու համար, նամանաւանդ երբ այդ դիմադրութիւնը բարոյական, իդէալական մի բարձր սկզբունքով ամբողջ ժողովրդին կարող է ծառացնել բռնակալութեան դէմ, երկար դիմադրութիւն ցոյց տալ:

Այսպէս ուրեմն՝ հայ ժողովուրդը պիտի լուծի այդ արիւնոտ հարցը, որ մարդկային պատմութեան ամենախոցոտ վէրքերից մէկն է եղել մինչև այսօր, և դժբախտաբար մենք, հայերս, յաճախ ենք կանգնել այդ սոսկալի երկընտրանքի առաջ:

Վերոյիշեալ երկու մտածողութիւններն էլ ունեցան իրենց գործադրողները: Վարդան Մամիկոնեանը իր 22 համախոհ նախարարներով, մօտ վաթսուներեց հազարանոց բանակով Աւարայրի դաշտն իջաւ՝ բռնակալութեան դիմադրելու:

Ենթադրւում է, որ Վարդանի հետ միացած ոյժը հազիւ Հայաստանի դիւնական ոյժի կէսն էր. միւս կէսը Վա-

սակ Սիւնիաց իշխանի ղեկավարութեամբ ու թելադրութեամբ հաւատարիմ մնաց պարսիկներին, ենթարկուեց բռնի ոյժի թելադրանքներին, պահանջներին:

Մեզ բոլորիս յայտնի են այս ոյժերի բաղխման առաջին հետեւները. սակայն Վարդանանց պարտութեամբ չի վերջանում հարցը, ընդհակառակը արիւնք մեծ դրամայի սկիզբն է դրում: Այդ դրաման տեւում է ուղիղ 33 տարի (451—484), մինչև Նուարսակի դաշնադրութիւնը:

Այս 33 տարիների ընթացքում կուպիտ, բռնի ոյժը աշխատում է ճնշել, սպանել մարդկային հոգին, խիղճն ու համոզմունքը, իսկ հոգին—որչափ էլ թոյլ ու անօգնական— դարձեալ չի մեղմում, նա ղիմադրում, պաշտպանում է, յաղթում, յաղթում, մինչև որ կուպիտ ֆիզիքական ոյժը համոզում է, որ հոգին անմեռ է, պէտք է նրան ազատ թողնել:

Հոգեկան ոյժի, խղճի ու համոզմունքի յաղթանակ՝ բռնի, կուպիտ ոյժի դէմ. ահա ինչ ստացան հայերը իրենց երկար տառիների մեծ զոհարելութիւնների գնով:

Վահան Մամիկոնեանը Նուարսակի դաշնադրութեամբ հետեւեալ երեք պայմաններն է ընդունել տալիս պարսիկներին. ա) Քրիստոնէութիւնը հայոց աշխարհի օրինաւոր կրօնը պիտի ճանաչուի, ոչ մի հայ մարդ չպիտի բռնի կրօնափոխ լինի և ոչ ոքի հաւատութեան համար մեծութիւն ու իշխանութիւն չպիտի տրուի. բ) Արժանաւոր ու անարժան անձանց մէջ խտրութիւն պիտի լինի, անպիտան ու փնասակար մարդիկ հեռու պիտի ստանան և լաւերն ու օգտակարները առաջ պիտի քաշուին. գ) Թագաւորը ամեն ամբաստանութիւններին չպիտի հաւատայ, այլ ինքն անձամբ պիտի քննէ ամեն բան և գատաւատան անէ:

Հետաքրքիր են Վահան Մամիկոնեանի խօսքերը կցուած այս պայմաններին. «Եթէ այս պայմանները կընդունէք, կը հաշտուինք ձեզ հետ, իսկ եթէ չէք ընդունիլ՝ պատրաստ ենք մինչև վերջին շունչը կռուելու, և աւելի ուրախութեամբ կըմեռնենք, քան թէ

պարսիկ մարդու առաջ գլուխ խոնարհեցնենք»:

Դէպքերի այս թուցիկ նկարագրութիւնից արդէն մասամբ երևում է, թէ ինչ ընդթ է կրում այս տօնը. բռնակալութեան դէմ բարոյական մեծ ուժի յաղթանակն է և ոչ մի կրօնի միւսի դէմ տարած յաջողութիւնը. այս տօնի մէջ խտացած է հայ ժողովրդի հասարակական, անհատական-բարոյական ամենամեծ արժէքները. այս տօնի մէջ նա դրել է իր խղճի ու համոզմունքի, իր հայրենիքի ազատագրութեան մեծ պայքարն ու յաղթանակը: Տեսէք, թէ ինչպիսի պայծառ հակադրութեամբ մեր ժողովուրդը այս դրամայի մէջ ցուցահանել է իր հասարակական-բարոյական իդէալ. մի կողմը՝ Վարդաններն են, որոնց երկրպագում է, միւս կողմը՝ Վասակները, որոնցից խորշում է: Մի կողմը հայ ֆիզիքապէս անգոր, անօգնական ժողովրդի բարոյական մեծ ուժն է, միշտ պատրաստ՝ անսահման անձնութեամբ իր ազգային սրբութիւններին, իր խղճի ու համոզմունքի ազատագրութեան համար հերոսաբար ծառանալ բռնութեան դէմ. միւս կողմը՝ կուպիտ, տհաճի ոյժն է՝ զուրկ բարոյական արժէքից, միշտ պատրաստ սրբապղծելու մարդկային խղճի ու մտքի բոլոր սրբութիւնները. մի կողմը՝ ազատութեան վառ տենչերն են, անձնագոհութիւն, հերոսութիւն, ընդհանրութեան շահին անձնականի զոհարելութիւնը, միւս կողմը՝ սարկամաութիւն, անձնական հաշիւներ, կեղծիք, խաբեբայութիւն: Մի կողմը Վարդանն է, որ ամենից առաջ հայրենասէր է, պատրաստ իր կեանքը զոհաբերելու հայ ժողովրդի փրկութեան համար. նա գիտէ բռնակալութեան ահռելի ոյժի առաջ հերոսաբար դուրս գալ, մահն արհամարհել. նա չի կարող տանել ստրկական կեանքը, նրա խիղճը ու համոզմունքը ազատ պիտի մընան, ազգի ժողովրդի շահը բարձր է բոլորից, որի համար նոյնիսկ կեանքը պիտի զոհել. միւս կողմը Վասակն է, առաքինութեան այս բոլոր յատկութիւնների հակառակ գծերով:

Մեզ թւում է, որ հայ ժողովուրդը աւելի բարձր, աւելի մեծ սկզբունքներ չէր կարող ունենալ իր պատմու-

թիւնից, իր անցեալ կեանքից:

Եթէ հայը կարողացել է հրից ու ջրից անցնել, բարբարոս ազգերի աւերածութիւնների արեւան ծովից դուրս գալ, իր ուրոյն կեանքն ազատել ու մինչև մեր օրերը հասցնել և դեռ ապագայ երջանիկ կեանքի յոյսերն ունենալ ու դրա համար ոյժ ցուցադրել, — հասարակական-բարոյական այս արժէքների շնորհիւ է:

Ու այսօր, աշխարհի այս մեծ տագնապի պահուն, երբ մենք նորից կանգնած ենք մեծ փորձութեան ճանապարհին, Եւրոպայում պրօքլէմի տառով, մենք դարձեալ կը յաղթանակենք, եթէ մեր հասարակ ժողովուրդը այդ դարաբարոյական մեծ տոկոսնութիւնը, մեծ ոյժը զործադրի, մեր բարձր դասը հետեւի ուխտապահ նախորարների օրինակին և ոչ մի դժոխութեան առաջ կանգ չտանի, երբ մեր իգական սեռը Եւրոպայում կանանց առաքինութիւնից յետ չմնայ: Մի խօսքով, երբ Եւրոպայում ոգով ազգովին կը ծառանանք մեր խղճի ու մտքի ազատագրութեան, մեր ժողովրդի, մեր ազգային իդէալների առաջ կանգնած բոլոր խոչընդոտների դէմ, մենք ևս կունենանք մեր յաղթանակը, Նուարսակի դաշնադրութիւնը:

Ռ. Բ.

ԲԱԼԿԱՆԵԱՆ ԱԶԳԵՐԻ ԱԶԱՏԱԳՐՈՒՄԸ

III

ԲՕԼԳԱՐԻԱՅԻ ԱԶԱՏԱԳՐՈՒՄԸ*)

Եօթանասնական թուականներին նորից ալեկոծւում են Բալկանները: Այս անգամ ապստամբութեան ազդանշանը տալիս են Բօսնիան և Հերցեգովինան: Ապստամբներին միանում են նոյնպէս սերբ և չերնօգօրիացի կամաւոր խմբերը: Նրանք բռնում են լեռնային ամենազօռաւոր անցքերը և անաօիկ վայրերը և զանազան կողմերից յարձակւում թիւրքերի վրայ: 1875 թուին Բ. Դուռը խոստանում է բարենորոգումներ մտցնել Բալկանեան այդ երկիրներում, բայց ապստամբնե-

*) Տես «Արեւ»-ի յաւելում Ձ 4:

ընդհատ չեն ընծայում նրա խաբէական խոստումներին: Նրանք փորձից և պատմութիւնից գիտէին, թէ Բ. Դուռը որքան յարգելի գիտէ իր տուած խօսքը և որքան սնանկ է պետական ներքին կեանքի վերաշինման, լայն բարենորոգումների տեսակէտից: Առանց զէնքը և ապստամբութեան դրօշը վայր դնելու, նրանք պահանջում են եւրոպական պետութիւնների երաշխաւորութիւնը: Ռուսաստանը, Ֆրանսիան և Իտալիան համաձայն էին, դէմ էր գլխաւորապէս Անգլիան: Նա վախում էր Ռուսաստանից՝ Բալկաններում նրա ամեն մի նուաճման կամ ազդեցիկ քայլի մէջ տեսնելով Անգլիայի պետական շահերի վտանգումը: Ճարպիկ սուլթանները օգտուելով եւրոպական մեծ պետութիւնների այս ներհակ դրութիւնից, առաջ էին տանում իրենց նենգ, խաբէական քաղաքականութիւնը և միաժամանակ ջարդեր սարքում Բալկանների այս կամ այն վայրում:

Բայց բռնկուած հրդեհը, սկսուած ապստամբութիւնը ոչ միայն չէր դադարում կամ մեղմանում, այլ աւելի ու աւելի մեծ չափեր էր ընդունում: Յաջորդ տարում, 1876 թուին, ապստամբութեան ալիքները հասնում են նաև Բոլգարիա: Սերբիան և Չերնոգորիան ամեն միջոցներով շարունակում են իրենց աջակցութիւնը՝ կամաւորներով, զէնքով, ռազմամթերքով: Դրութիւնն օրէցօր լուրջ բնաւորութիւն էր ստանում և սպասում միջազգային բարդութիւնների: Ռուսիան, Պրուսիան և Աւստրիան մի ընդհանուր յայտադրով դիմում են Բ. Դրան և յիշեցնում խոստացած բարենորոգումների մասին: Յայտադրի թիւադրողը Ռուսիան էր և գրուած էր խիստ, վճռական տոնով: Անգլիայի համար այդ դիմումն ունէր վերջնազրի նշանակութիւն: Արդէն թիւրքերի մէջ ծայր էր տալիս խիստ ատելութիւն՝ դէպի ռուսները, որոնց վրայ նրանք նայում էին որպէս իրենց ռիսիկի և պատմական թշնամու: Անգլիան անխուսափելի համարելով ռուս-տաճկական պատերազմը, իր նաւատորմիդն ուղարկում է յունական ջրերը:

Հէնց այդ միջոցին տեղի է ունենում Տաճկաստանի մայրաքաղաքում պալատական յեղաշրջում, գահընկեց է լինում Մահմուդ V-ը Սուլթանը և գահ բարձրանում խորամանկ և ճկուն Աբդուլ-Համիդը (1876 թ. 31 օգոստոսի): Բայց այս հանգամանքը որևէ ազդեցութիւն չի անում տիրող քաղաքական դրութեան վրայ: Կռիւր Բալկաններում մեծ թափով շարունակում էր և հետզհետէ մեծ պատերազմի բռնոյթ ստանում: Ընդհանրապէս յաղթութիւնը թիւրքիայի կողմն էր: Թիւրք բանակի ընդհանուր հրամանատարը, Աբդուլ-Կերիմը մօտենում էր արդէն Բելգրադին: Սերբիայի վիճակը յուսահատական էր: Իշխան Միլանը դիմում է եւրոպական պետութիւնների միջնորդութեան, բայց բոլորի կողմից էլ մերժում ստանում:

Ռուսիան, որ աշխուրջ հետևում էր բոլոր անցուղարձերին ու շարժումներին Բալկաններում, այլ ևս անկարող է լինում չէզոք դերի մէջ մնալ և սկսում է գործօն մասնակցութիւն ունենալ և զսպել համարձակ թիւրքիային: Նա նախապէս ապահովում է երկու կայսրութիւնների, Աւստրիայի և Պրուսիայի չէզոքութիւնը, դաշն կապում նրանց հետ և պատրաստում պատերազմի թիւրքիայի դէմ: Մի կողմից Ռուսիան վերջնագիր է ուղղում Սուլթանին, պահանջելով անմիջապէս դադարեցնել կռիւր Բալկաններում և միւս կողմից դաշն կապելով Ռուսիայի հետ՝ ապահովում է իր զօրքի ճանապարհը այդ գծով դէպի Կ. Պոլիս: Միաժամանակ նա հաւաստիացնում է Անգլիային, թէ նա աշխարհակալական ձգտում չունի, հետևապէս, չի գրաւելու թիւրքիայի մայրաքաղաքը: Միայն հաւանական է գտնում Բոլգարիայի ժամանակաւոր գրաւումը:

Ահա այսպիսի դրութեան մէջ էին քաղաքական յարաբերութիւնները և Բալկանեան բոլոր ժողովուրդները մի անօրինակ յուզումնալից շրջան էին ապրում, երբ Կ. Պոլսում եւրոպական պետութիւնների ներկայացուցիչները, առանց թիւրքիայի լիազօրի, սկսում են խորհրդակցութիւններ բարե-

նորոգութիւնների մասին Բալկաններում: Նրանք յանգում են այն եզրակացութեան, որ բարենորոգումները պիտի կատարուեն եւրոպական պետութիւնների անմիջական հսկողութեան տակ, իսկ հսկողութեան համար ունենալու են յատուկ պահակ, եւրոպական պահակ՝ բաղկացած 6,000 հոգուց:

Թիւրքիան այդ որոշման մէջ տեսնելով իր անկախութեան խախտումը՝ չի ենթարկում դրան և ընտրում է միակ ելքը—զէնք վերցնել Ռուսաստանի դէմ: Իսկ եւրոպական միջամտութեան առաջն առնելու նպատակով՝ թիւրք ճարպիկ և խաբէական կառավարութիւնն ստեղծում է Միդհատ փաշայի սահմանադրական կօմիտեան: Ծիշտ նոյն օրը, դեկտեմբերի 23-ին, երբ կատարում է եւրոպական պետութիւնների ներկայացուցիչների համաժողովի հանգիստաւոր բացումը Կ. Պոլսում, Սուլթանը հրատարակում է «Օսմանեան սահմանադրութիւնը» և տեղեկութիւն տալիս այդ մասին եւրոպական բոլոր դիւանագէտներին, պաշտօնական հիմնարկութիւններին: Դրութիւնը միանգամայն փոխւում է, ընդհանուր տրամադրութիւնը յեղաշրջում: Հասարակական կարծիքը եւրոպայում արդէն լիապէս բաւարարուած էր, իսկ համաժողովի գործունէութիւնը բոլորովին թուլանում: Անգլիայի դերը վճռական էր թիւրքիայում կատարուող այս բոլոր անցուղարձերի մէջ. նա ոչ մի կերպ չէր կարողանում հաշտուել Կ. Պոլսի գլխաւոր հետ՝ Ռուսիայի կողմից: Եւ նա այժմ Կոն էր այս ընդհանուր վախճանից:

Ե. Ֆրանգեան

(Կը շարունակուի)

